



Vg  
2414





QK.196,9.

Vg  
2414



Ein sermō.  
Von den snib  
bröten ge=  
prediget  
durch  
D. M. L.  
zu wittenberg  
Marci Am 8.

XIII 17



# Auff das wir das Euange-

lium fruchbarlichen handeln / Gott zu lob vnd eher so  
wollen wir sein genad an ruessen vnnnd sprechen /

Das heylig Vatter vnnser.

## **D**as Euangeliū besch-

reibt der heylig Marcus vnd laut also In der  
zeit als was ein grose schar pey Jesu vnd het  
ten mit das sie essen / hat ehr zusammen berufft seine Junger-  
vnd inen gesagt / Ich erbarm mich vber die schar zc.

¶ Das Euangelium verstat ir lieben freunt hoff ich fast wol  
den ir seyt nun fast genug gegrundet das ir wist / was man in  
dem Euangelio erwarten soll vnd was vns darin wirt vor-  
gebildet / Nämlich die recht art vñ natur des glaubens / derhalb  
Christus so freuntlich in allen Euangelii vns abgemalt wirt.  
wie wol die geschicht vñ werck sich verendren / so bleibt doch  
inmer der einfeltig gelaub / nun dises Euangeliū malet vns  
den herren der maßen ab das wir gentslich erkennen mügen  
was wir vñ im halten sollen / Nämlich das er sey barmhertzig  
miltzam / vnd freuntlich yderman gern helfff / Bey yderman  
gern sey vnd mit iderman gern vmbgang / Ein soliches pild  
muß der glauben haben / Darumb vns die geschriffte zwayer-  
ley pild furhelbt / Ein pild der forcht / das ist ein vberschwen-  
cklich pild des strengen zoren gottes / vor welchem niemandt  
besten mag / sunder wir müßen verzeiffeln wo wir den glau-  
ben nit haben / Dargegen ist vns gesetzt das gnaden pild / auff  
das der glauß das selb ansehe / vñ schopffe in ein freuntliche /  
trostliche zumorsicht zu got / mit diser hoffnung / das sich der  
mensch nit so vil zu got verfehen müge / es sey noch vil mer pey  
dem / da er sich guettes zumersicht / Nun habt ir offft gehoret  
zwayerlay güetter / geistlich vnd leiplich / aber das Euangeliū  
vñ den zeitlichen leiplichen güetern / lernet vns den kinder ge-  
lauben / ist ierz ein pild für die schwachen / an dem sie sich alles  
gutes zu im zumorsehen / erlernen mügen / dan so wir izundt



in dē Euangelio vnterricht seind wie vns Christ<sup>o</sup> dē Bauch er-  
neren wolle. mügen wir dar durch abnehmen das chr vns  
auch an der seel mit geistlichen guettern speißen vnnnd kleiden  
wölle/dan wenn ich im nit den leib zu ehalten vertraw/vill  
weniger kan ich im die seel ewigklich zu vnterhaltē vertraun/  
auch wen ich im nit vertrauen kan/das er mir ein guld n geb/  
wie kan ich im vertrauen/das er mir x guld gebe kan ich mich  
nit zu einem versehen dz er mir ein stück Bröt gebe vil weniger  
wird ich mich auff in vertrösten das chr mir hauß vnnnd hoff  
vnd das gantz erb gebe/ Tu wer nit den iügen milch glauben  
haben kann der wirt sich schwerlich versehen/das im got die  
sundt vergeben vnd die seel ewig erretten wolle/dann ihe die  
seel vnaussprechlich mer ist/dan der Bauch/vber welchen chr  
sich doch erbarmet/wie das heutige Euangeli auß weist/dar  
vmb hatt Sant Peter recht gesagt 1. Petri. 2 lieben Bruder yr  
solt begern als dieneu geboren kinden die milch mit des leibs  
sunder des gemuttes/welche kein vntreu weiß vnd darmit ir  
also durch die milch auff wachst/dan es ist nit gnug das ein  
kind milch sauget/sunder es muß auch groß vnd starck werd  
dz es fur an auch brot vñ herte speiß essn lerne dan milch esse  
ist die gunst vnd freuntliche gnad gottes schmecken/vnd die  
freuntschafft gottes schmecken ist wan man si erfert mit dem  
leben wenn so ich gleich hündert iar vō got prediget wie chr so  
freuntlich/suess/vnd mildsam sey den menschen/hilfft doch  
das nicht so ich das nit durch die erfahrung geschmeckt hab/  
dar durch lert man got recht vertrawen/dar auß künnet ir ab-  
nemen-wie ein selzam ding ein Christen man sey-dann vill  
seind die got den Bauch vertranē-es schwebet aber allein auff  
der zungen vnd hangt in den oren aber es kumbt nit ins hertz  
da es hingehört Tu wollen wir ansehen das exempel was  
arth vnnnd natur der glaub sey/ Der Apostel zu den Hebreern  
Ca: 11. also schreibt/der gelaub ist ein grund dardurch man  
sich verlast auff die gueter die man nit sieht/das ist das ich  
warttē soll auff ein gut das ich weder sehen noch hörn mag  
sunder allein ich muß es hoffen wie dan auch in dem heutige  
Euangelio beschehen/da sind vil mēner gewest als bey 4000  
2 ij

Welche mit sambt weyb vnnnd kindt drey tag nichts zu essen  
gehabt (ich main dz heist auch gefast) sind ganz hungerig  
weit haim vnnnd der güter beraubt darin der leib lebt. Nun  
sagt Paul<sup>9</sup> d glaub sey ein solch ding / dar durch ich hoff auff  
güter / die ich nit sehen kan. Ein solchē glauben haben hie die  
scharen des volcks die sehen kein speiß vñ hoffen dennocht.  
gott werd sie erneren.

¶ Nun was thut Christ<sup>9</sup> darzu / ehr muß ie nit klug gewesen  
sein / dan ehr geht hin zu den Aposteln / vñ fragt wa mit man  
dise speißen soll do sagen sie / O wer wil ein solchē grössen hau  
fen hie speißen / in der wüesten. Da secht ir aber wie die mens  
chlichen vernunfft vñ der glauben / zusammen lauffen. da sich  
wie ihe kluger die vernunfft ist / ihe weniger si sich richtet in die  
werck gottes darüb hat er seine iunger gefragt das ein yeder  
sein eigne vernunfft erfare vñ bekene wie gar in keinen weg die  
vernunfft vñ der glauben zusammen kumen. Zielernen wir die  
vernunfft zu blēden wan es darzu küßt / das der galub anfacht  
als dan müssen wir ihe die vernunfft faren lassen. Nembt ein  
exempl so ich ein man wer / het weib vñ kind / het nichts dazu  
vñ niemant geb mir nichts / nu solt ich glauben vñ hoffen got  
wer mich erhalten / wen ich aber sich das mein ding nichts ist  
vñ mir nit balde geholffen wirt mit speiß vñ kleidern / alda so  
ich ein vnglaubiger narr pin / so verzweyffel ich / vnd gee hin  
vñ nim ein ding fur mich / still vnd treug vñ bescheiß die leut /  
vñ tring mich hin durch / wie ich kã vñ mag / sehet dz macht  
der schentlich vnglauben pin ich aber gelaubig so thue ich die  
augen zu vnnnd sage / ach gott ich pin dein creatur / vnd dein  
werck du hast ihe mich erschaffen ich wil dir es haim setzen  
der du meher sorgest / wie ich vnderhalten werde / dann ich  
selbst / du wirst mich wol erneren / speißen / klayden vnnnd helfe  
fen also ist der glaub ein gewiser grund / durch dē ich erwart  
das ich nit sihe / ia der gelaub muß genug haben / dan ehe es  
ime gebrechen solte / müsten die engel von hymel kummen vñ  
bröt auß der erden grabē / auff dz lein socher glaubiger mēsch

gespeist wurde. ia he muess himel vnd erden zu gan / ehe gott  
ein solchē menschen an klaidung vñ anderer noturfft mangi  
liesse dz erhaischt vñ erfodert das tröstlich geweltig wort göt  
licher zusagung / aber so mā die vernunfft rattes fragt wirt sie  
pald wie oben die Apostel auch hie sage / es ist nit möglich / ey  
du must lūg wartē bis dz dir bröten enten in den müd fliege  
dan sie sibet nichtz vñ greiffe nit vñ ist nichtz da / also theten  
die Aposteln auch die mainten ia wer wil ihr so vil speissen ess  
ist nit möglich / wann sie aber gesehen hetten ein hauffen gelt  
darzu brot vñ fleisch penck / so hetten sie bald ein gutten rath  
funden vñ ein gütten trost geben / das wer nun in ihrem sinn  
sein vñnd vernunfftig zugegangen / das ist nun von dem glau  
ben der zeitlichen gütter **N** von den geistlichen guettern /  
so wir sterben sollen / wöllen wir auch sagen / da wirdt mann  
finden vnd vor augen sehen den tödt vnd wolten dennocht  
geren leben / do werden wir vor vnns sehen die hell / vnd wol  
ten doch geren haben den himel / da werden wir sehen gottes  
gericht vñ wolten dennocht geren sein genad haben in Sum  
ma alles das wir gern haben wolten / werden wir der kainess  
vor augen sehen wider den tod helle vnd wider das gerichte  
gottes mag vns kain creatur zu hilff komen / doch wen ich ge  
laub sprich ich / ey d glaub ist ein solcher grund dar durch ich  
erläge / dz ich nit sihe vñ dz / dz ich sihe so ich glaub / wirt mir  
nit schaden / ob ich nungleich nichtz sihe / dan den tod helle vñ  
dz gericht gottes vor augē / so muß ich doch der kainess ansehē  
sunder genzlich getrauen dz mir gott in crafft seiner zusagūg  
nit auß meinem verdienssi das leben dieseligkeit vñnd genad  
geben werden / Das ist nun recht durch den glauben an gote  
hāgen dz ist hie sein abgemalt in dē leiplichen pildt der viers  
tausent mēschen die allain in dē glaubē an gott hāgen / ey got  
wirt vns wol speissen / hetten si nach d vernunfft geurtelt so het  
ten si gesagt / o vnser seind vil zu vil / sein hie in d wuestē / habē  
leer vñ hūgerig māgen / es hilfft nichtz / d ding thun sie kain  
sunder sie haben ein gutte zuuersicht / on alle mēschliche dispu  
N 116

glaub. das  
Loffte vñnd  
Loffte im Lobz  
vñnd Lobz

ein freuntlich  
geb.

tacion/ gegen got/ Beuelchen sich ime vnnnd segen ime allend/  
turfft frey haim/ da kumbt got ehe sie sorgen vñ bitten. nimbt  
sich ir vil herter an/ wann sie selber vnd saget/ Ach es iamert  
mich vber das volck/ laß ich si haim ghan so verschmachten  
sie auff dem weg sihe wie ein freuntlichen got wir haben/ der  
do auch sorget wie ehr den schentlichen Bauch erhalten wolle  
da wirt nun auf gericht die hoffnung/ vnnnd v̄ mensch durch  
die wort Christi getröst/ so ehr sagt die ligen da vnd warten  
auf mich noch bis an den dritten tag ich muß ynn auch gnug  
geben da sehet ir das alle dieso dem wort gottes fleissig anhä  
gen/ von Gott selbst gespeist werden dan das ist die arth vnd  
die craffte des glaubens auß dem wort gottes allein herfließ  
sende/ Darumb lieben freunt last vns ein mal anfahen zu ge  
lauben dan allein der vnglaub ein vrsach ist aller sund vnd la  
ster so ietz vber handt genomen in allen stenden wie kumbt es  
das vber also vil törichter weiber vnd bußen seind auch so vil  
landt betrieger/ dieb/ räuber/ wucherer/ mörder/ symoneyer/  
vnnnd pfund verkauffer/ Es kumbt als auß dem vnglauben/  
dann solche menschen vrtailen allain nach der menschlichen  
vernunft/ die vernunft allain nach dem/ das si sicht/ was si  
aber nit sicht mag si nit begreiffen/ derhalb so si in got durch  
den glauben ir vertrauen nit setz/ muß sie in ir selbst verzwey  
flen vnd also bußen vnd schelck machen/ Merck also geht es  
zue wo die menschen ire vernunft vnd nit den glauben re  
gieren lassen. Nun wie ir den glauben gelernet habt also sol  
len wir auch die lieb lernen denn Christus wirt vnns zwayer  
lai gestalt vorgepildt Nemlich zu einem pild des glaubens/  
das wir nit sorgfeltig sein sollen Auch zu einē pildt der liebe/  
auff das wie er vns thut für vns sorgfeltig ist/ vnd wie er vns  
speist trencket vnd kleidet allain auß freyer liebe/ nit vom seins  
nütz wegen oder auß vnsern verdiens/ Also sollen wir auch  
güts thun frey vnnnd vmb sunst vnsern nechsten auß lauterer  
liebe/ darmit wie dir Christus Christus ist. das du also auch  
deinē nechsten christ<sup>us</sup> seyest. Darumb secht ir/ dz alle Munch  
vnd Nonnen werck vergeblich vnd verdambt seyen/ dan sy  
nit gericht sindt zu dienen irem nechsten/ sonnder allain dar



nach dz sie durch ire werck vor got vil verdienen wollen. Dan  
rechte Christenliche werck müssen dohin gantz frey gehen dz  
si dem nechsten zu gut Beschehen vnd mit darum das wir ver  
mainen vil dar durch bey got zu verdienen. Sonder allain frei  
hin geschenckt vnd in die rapus geworffen wie dan got auch  
gethon hat / der sein guthait in die rapus geworffen vnd sein  
ler wort vñ leben der gemain geschenckt hatt. Selig die disse  
schanckung mit danck an nemen / das sagich allain darumb  
das ir sehet / alle Euangelia do hin tringen / vnd nichts ands  
haben wollen / vnd got vordert nichts anders von vns allain  
das wir vns vnserem nechsten zu dienst geben / vñnd inn fur  
got halten wie der 49 psalm sagt Hör Israhel ich bin dein  
got. Ich wil dich nit fast vmb deines opffern willen straffen /  
denn alles was du hast oder mir opffern kanst das ist schon  
alles vorhin mein den alle wilde thier die auff Bergen vñ feldē  
hin vñnd her lauffen die sindt alle vorhin mein. Mainstu ich  
wöll rindfleisch essen / vñnd bockßblut trincken 2c. Also sage  
er zu vns auch / Sich Israhel ich bin dein got vñ nit du mein  
got / Ich wil dir geben vnd nit du mir. Hör Israhelich wil nit  
mit dir zurnen das du mir nit vil opfferst / den w3 du im stall  
hauß vnd hoff hast / das ist alles vorhin mein / dan ich habß  
hinein geschickt / da hat er sein troffen die Juden die do hoch  
auff ir opffer buchen / Nun so er das opffer verwirft was wil  
er dann haben / Spricht der text fort an Opffer mir das lob /  
vnd dein gelübt 2c. Das ist dein hertz will ich haben / Stelle  
dich auff mich vñ halt mich für einen freuntlich engnedigen  
got / das ich dein got sey so hab ich gnug / in der zuersicht vñ  
vñ hoffnüg sollest deine glauben geben in für ein freuntlichen  
gott erkennen im anhangen vñ in den höchsten nöten zu im  
fliehen glaubwags vnd erwarts / so wirt er dir helfen. Dar  
ann soltu nit zweiffeln / Nach dem sollest du deinem nechsten  
frey vnd vmbsonst dienen / glaubwags vnd erwarts Gott  
wirt dir zu hilff kommen.

A M E N.

Die warheyt gottes bleybt ewiglichen. ps. 116.

Gott sey Lob.

\*

QK 9  
2414

*[Faint, illegible text, likely bleed-through from the reverse side of the page]*

m.c



Pou Vg 2414, Qk

ULB Halle  
004 075 064


3





Vg  
2414

QK-196,9.



Farbkarte #13

B.I.G.

Blue Cyan Green Yellow Red Magenta White 3/Color Black

Inches 1 2 3 4 5 6 7 8  
Centimetres 1 2 3 4 5 6 7 8 9 10 11 12 13 14 15 16 17 18 19

